

Mië werde afjehuët

Wie neulisch mië erfahre moote,
hant Amerikaner die Marotte,
ronk öm de Uhr bejm Telefoniere
de halëve Menschheet afzehüere.
Su registriere die komplätt,
wer wann met wäm jesprauche hät.
On wat die alles sisch verzallte,
wid och akustisch faßjehalde.
Se speischere dä janze Kall
klammheemlich fließisch dijital,
fü et met Hölep van Spröqch-Experte
dönqö penibel uszewerte.

Me deet os also övvevache.
Dr Hemmel weëß, wie die dat maache!
On dä Verein, dä skandalös
os usamspioniere eß,
dä hät, dat eß janz öffebaa,
et Büro en de USA.
Van dö jont Afhürspezjaliste
lauß op de Jach ¹ nq Terroriste.
Sälëfs os Rejierung eß verstemmp,
weil sisch dä Ami su benemmp.

Enzwesche send och de Chinese
em Internet am keseweese ².
Die hant vam Ami flöck jeliht,
wie me mem Händy spioniert,
on hüere sisch at massehaff
am Händy jääjesiedisch aaf.

Su werde mië jetz Naat on Daach
vam »Jruëße Bruë« ³ övvevach.
Dat let sisch ävve schön ömjonn,
endäm mië dänne e Schnippsche schlönn.
Dänn wat jesaat wud, kött drop aan,
öf me dat och kapiere kann.

¹Jagd ² herumschnüffeln ³ der Große Bruder; im Roman „1884“
von George Orwell ist das der fiktive Diktator des totalitären
Staates „Ozeanien“

En Främpsprooch eß fü dä Jeheem-
deenß dōbej täschnisch kee Problem.
Met Övvesätzungshilfsprojramme,
die et em Handel jit, dō kamme
sich die bequeem on kott äntschlosse
en Änglisch övvesätze losse.

Bemerkenswertewies jeet dat
behaup net met Eischwiele Platt,
weil Softwäär fü dat Fachjebiet
et Jōttseidank jō nauch net jit.
Die Amis könne et wahl hüere,
jedauch net identifiziere.
Dat heesch konkreet, bejm Telefoniere
e Deenßjesprääsch op Platt ze führe.

Wänn Dueres ¹ sich am Telefon mällt ²,
on säät, hä hött sich fies verkält ³,
hä wör hü wirklich net om Damm,
hött et em Hals on och dr Jramm ⁴,
hä hött dr Schnups ⁵ on hött dr Hooß ⁶,
blief ene Ami ahnungslos.
Kee Övvesätzungshilfsprojramm
känn Wöet wie *Schnups* on *Hooß* on *Jramm*.
Net *Blötsch* on *Öllisch* bejspelswies,
net *Nöttelefōnes*, *Flitsch* on *Knieß*,
on *Schennooß* net, net *baschte*, *Frööbel*,
Läckfittschere, *Jerämsch*, *onnösel*.
Och Wöet wie *Brassel*, *Schottelplack*,
bekööse, *böttele* on *spak*
on *Seem*, *Komkommere*, *Filepus*
krijje die Amis net ęruß.
Dat kenne all, wat jelt de Wätt,
US-Amerikaner net.
Me sprisch dōröm am Apparat
statt Huuchdütsch leevere mä Platt.

Sollt also et dämmäaks jelenge,
am Telefon brisante Denge
en ose Dialäk ze brenge,
dann kött dä Ami dō net henge.

¹Theo, Theodor ²meldet ³erkältet ⁴er sei heiser ⁵Schnupfen

⁶Husten

Jeheimnisdrääjer van de Stadt
die sprääsche könēftisch, wie jesaat,
am Händy mä Eischwiele Platt
- vürusjesatz, die könne dat -
on send em Deenß drop enjestallt,
wie me dat locker fleebend kallt.
Et mööt sonß nämlisch eene emme
ene Dölmätscher en Aasproch nämme,
dä sennjemääß dat simultan
en Platt jrad övvedraare kann.

Döbej maat Spaß, sisch uszemöøle,
wie Amis em jeheimnisvolle
on onverständlich Kauderwälsch
- fü die eß dat e Spröøchjemölsch -
versöøke ene Senn ze fenge.
Dat wid dänne ävve net jelenge
bej dat verzwick on delikat
orijinal Eischwiele Platt.
Die könne dat probiere, bluuß -
se bisse sisch de Zäng draan us.
Dä Dialäk eß su vertrack,
däm krit ene Ami net jeknack.
Mię ävve könne suzesaare
os heemlich en et Füüßje laache.

Och E-Mails send net onbedenk
su harmlos emme, wie et schenk.
Die werde öhne schläet Jewesse
van Onbefoochde ¹ metjeläęse.
Dö eß et iędste ² nauch Verloß
wahl op die analoore ³ Pöß,
die pünklisch os bej Wäę on Wenk
dr Breefdräjer et morjens brenk.
Me schrief ene Breef schön met de Hank
- wie me dat maat, eß jö bekank -,
kläęf nauch en passend Frejmark drop
on jit em bej de Pöß dann op.
Däm bruch de Pöß net enzeschrieve.
Me kann och alles övvedrieve!

¹ von Unbefugten ² am ehesten ³ analoge (im Gegensatz zur digitalen Post)